

全
浙
詩
話

全浙詩話卷十三

會稽陶元藻篁村輯

男

廷珍
廷琬
編次

仁和朱文藻映濟

參訂

同邑宗聖垣芥颿

南宋

宗澤

澤字汝霖義烏人元祐六年進士靖康元年知
磁州勤王兵起康主以澤爲副元帥建炎間累
遷延康殿學士京城留守兼開封尹連結諸路

義兵方剋日渡河力請上還京爲黃潛善汪伯
彥所阻憂憤疽發背卒贈觀文殿學士諡忠簡
有集

鴻書 有宗澤石刻絕句二首華陰道云煙遮晃白初
凝雪日映爛斑却是花馬渡急流行小崦柳絲如織映
人家又營茆作屋幾家居雲碓風帘路不紆坡側杏花
溪畔柳分明摩詰輞川圖

按忠簡多器識治兵訓練有方忠義之氣溢於眉瞞
嘗作感時詩其序云戎敵長驅京邑阡危此忠臣義
士痛心疾首勤王報國之秋也而宰臣遷家邵守踰
垣縉紳士大夫陸窺水奔使人主嬰孤城以自守無
一犯難者事小定矣而上書獻策之人亦未有慨然
以東者世道之衰一至於此乎太息之餘以詩自道

其詩云卿士辱多壘天王憤蒙塵禦武要越將謀國
 須雋臣百戰取封侯未必亡其身懷奸非忠義胡顏
 以爲人吁嗟世道衰大戕如縉紳平居事奔競梁沐
 紛雲屯一旦國步艱西竄舳艫水南奔鄧夫用愷然策馬
 仍踰藩冠蓋陸西竄舳艫水南奔鄧夫用愷然策馬
 趨轅門勤王羞尺柄悟主期片言時來儻雲龍我冠
 拜臨軒遙迤上玉除造膝陳元元措世於太寧歸來
 守印樊讀此序與詩亦足見其梗概蓋其在靖康時
 前後凡二十餘奏皆爲江白彥潛善所阻抑鬱鬱
 不得行其志遂憂憤疽發背臨死呼渡河者三誦少
 陵出師未捷身先死長使英雄淚滿襟句以絕李忠
 定以詩哭之云時危念人傑濟初須才雄尋常燿
 姿詎可收奇功英英宗夫子邀與古人同抱器實磊
 磊求心欲精忠又其未幅云皇天不憖遺吾道何其
 窮驂駟竟委離冀北群遂空梁摧大厦傾誰與扶穹
 壑安能百身贖生爲四海同人亡國殄瘁天意真惜
 惜中原氣蕭瑟灑涕臨西風其傾倒於忠簡而痛悼
 之者已摯且深亦具見二人同志之感相傳忠簡毋
 夢天大雷電火燭其身而生勿有大志又傳其面正
 方色沈紫白是數華橫張如戟英姿蕭爽可畏蓋天

授異人而宋不能用惜哉華
陰道二詩乃楊用修所刻
文藻按居士傳稱忠簡爲人磊磊有節概忠勇出於
至誠深信一乘樂宣說正法宣和六年義烏滿心寺
鑄大鐘成嘗爲之記又嘗作覽鏡偈曰覽鏡影還在
掩鏡影還去試問鏡中人却歸什麼處又作休牧軒
頌曰空餘短笠與輕蓑道著休時事更
多更向中間問消息夜深無奈月明何

李光

光字泰發上虞人崇寧五年進士累官司勲員
外郎欽宗擢右司諫高宗朝進吏部尚書除參
知政事因爭和議安置瓊州移昌化軍卒追復
資政殿學士諡莊簡

老學庵筆記 李莊簡奉祠還里先君築小亭曰千巖

盡見南山公來必終日嘗賦詩云家山好處尋難遍日
日當門只卧龍欲盡南山巖壑勝須來亭上少從容言
及時事憤切興嘆謂秦相曰咸陽一日舉酒屬先君曰
某行且遠謫矣咸陽尤忌者某與趙元鎮耳趙旣過嶠
某何可免青鞵布襪即日行矣後十餘日果有藤州之
命

賓退錄 李莊簡之子孟博苦學有文紹興五年進士
第三人及第隨父南遷卒於瓊州先是數月孟博夢至
一所海山空濶樓觀特起雲霄間有軒榜曰空明先世
諸父環坐其中指一席曰留以待汝遂寤臨終雲氣起

於寢室冠服宛然自雲中冉冉升舉瓊人悉見之莊簡
有詩悼之云脫屣塵寰委蛻蟬真形渺渺駕飛烟丹臺
路杳無歸日白玉樓成不待年宴坐我方依古佛空行
汝去作飛仙恩深父子情難割淚滴千行到九泉

詩人王屑公在政府與秦檜議論不合爲中司所擊
送藤州安置差密院使臣送之公戲贈詩云日月孤村
對落暉含煙深處忽分離追攀重見蔡明遠贖罪難逢
郭子儀南渡每憂鳶共墮北轅應許鴈相隨馬啼慣踏
關山路他日看來又送誰

周 芑

芑字秀實錢唐人邦彥弟邦式之子南渡初廬
陵倅

獨醒雜誌 宣和中太白見甚高尚書劉公才邵時在
中秘見而歎曰此兵象也國家其有外患乎因與僚友
同觀憂形於色未幾敵犯畿甸後周芑秀實來倅廬陵
贈詩云劉郎校書天祿閣太白下觀光照灼心知漢祀
厄中天夜半起瞻涕零落

陳公輔

公輔字國佐臨海人政和三年上舍釋褐第一
仕終敷文閣侍制

三台詩錄 公廣慈寺詩云淡淡輕風薄薄霜隔窗惟
聽葉飄黃玉爐香斷燈花老金磬一聲秋夜長又別有
廣慈院一絕亦佳疑一處兩時作已載郡志不復錄再
公挽李伯紀丞相一聯云有心安社稷無計避功名極
道得伯紀心事出今附李遺集後

程俱

俱字致道開化人以外祖鄧潤甫蔭入仕宣和
二年賜上舍出身高宗時擢中書舍人兼侍講
罷提舉江州太平觀除徽猷閣待制卒有北山
集

墨莊漫錄 飲席刻木爲人而銳其下置之衆中左右

歆則傲然如舞狀久之力盡乃倒視其傳籌所至酬之以杯謂之勸酒胡或有不傳籌但倒而指者當飲程致道詩云簿領春州掾風流曲秀才長煩拍浮手持贈合歡盃屢舞回風急傳籌白羽催深慚偃師氏端爲破愁來

毛國英

國英衢州人

娛書堂詩話 毛國英澤民之從子也以詩自鳴嘗經兵候駐兵之地江禁方嚴國英投詩云鐵鎖沈沈截碧

江風旂獵獵駐危檣禹門縱使高千尺放過蛟龍也不妨
候曰詩人也委舟以渡之

范浚

浚字茂明蘭溪人紹興元年舉賢良方正不赴
居香溪學者稱香溪先生著香溪集二十二卷
金華詩錄香溪辭徵作策畧二十餘篇經國之志不
忘也雜興云少安苟可待四海得耕鑿遺興云功名苟
不免四老猶一助可以知先生之心矣

陳用中

竹坡詩話

紹興初有退相寓永嘉獨陳用中彥才雖

鄰不謁及再相有薦之者止就部注邑連江戲作小詩
云命賦安能比鉅公偶然年月與時同只因日上爭些
子笑向連江作醉翁蓋其所生年月時適與時宰同但
日差異耳

鄭剛中

剛中字亨仲金華人紹興二年進士累除秘書
少監出爲四川宣撫使爲秦檜所忌罷謫貴陽
軍徙封州卒檜死復原官謚忠愍有北山集

老學庵筆記 蜀人任子淵好謔鄭宣撫剛中自蜀召
歸其實秦檜欲害之鄭公有惠政衆皆太息或曰鄭不

來矣子淵對曰秦少恩哉人稱其敢言

方萬里北山集跋 文簡古詩峭健在封州詩尤佳

張九成

九成字子韶號無垢居士錢塘人紹興二年進士第一授鎮東僉判累官秘閣修撰知温州卒贈佐朝請大夫

居士傳 張子韶名九成號無垢居士錢塘人也少好學年十四入學宮閉閣終日寒暑不越戶限比舍生穴隙視之歛膝危坐若與神明伍相與歎服旣而聞客談楊大年呂微仲事心慕之謁寶印明禪師問入道之要

寶邱曰念念不捨久久成熟時節到來自然證入會看
柏樹子話久之無省謁善權清禪師問此事人人有分
箇箇圓成是否善權曰然子韶曰何故九成無入處善
權出袖中數珠示之曰此是誰的子韶不能對善權復
袖之曰是汝的則拈取去纔涉思維則不是汝的也子
韶悚然一夕如廁正提柏樹子話聞蛙聲契入作偈曰
春天月下一聲蛙撞破乾坤共一家正恁麼時誰會得
嶺頭脚痛有元沙會先忌日就明靜菴休僧主僧惟尚
纔見乃展手子韶便喝惟尚批其頰子韶趨前惟尚曰
張學錄何得謗大般若子韶曰九成見處祇如此和尚

又作麼生惟尚舉馬祖升堂百丈卷席話詰之叙語未
終子韶推倒卓子惟尚大呼張學錄殺人子韶躍起問
旁僧曰汝又作麼生僧罔措子韶毆之顧惟尚曰祖禰
不了殃及兒孫惟尚大笑子韶呈偈曰卷席因緣也大
奇諸方聞舉盡攢眉臺盤趯倒人星散直漢從來不受
欺

魯 訾

訾字季欽號冷齋海鹽當湖鎮人兄詹崇寧初
進士訾與弟登同舉紹興五年進士人以比二
陸兄弟子姪科第盛甲一郡訾官至太府卿

稿李詩繫 詩喜杜工部嘗取其集考其年編次而箋
釋之爲十八卷世所傳魯冷齋杜詩定本是也及卒呂
祖謙有淳熙四年春挽魯少卿嘗詩云慶源滾滾接天
流老桂傳香次第秋人物西都九卿選英華南國十州
遊倏然徑下滕王閣已矣長懷范蠡舟身後楚騷誰著
錄靈光舊草台兼取

張圖南

圖南字伯鵬餘杭人

春渚紀聞 圖南督予分韻詩未就有詩云坐中競病
分明从驢上推敲兀未裁用事精穩如老作者惜乎天

不少假之年以觀其所止也

沈作喆

作喆字明遠吳興人丞相該之姪紹興五年進士嘗爲江右漕屬作哀扇工歌忤洪帥魏良臣道弼据深文劾之奪三官有寓山集

宋詩紀事 作喆嘗爲江右漕屬作哀扇工歌忤洪帥魏良臣道弼据深文劾之奪三官鶚按韋居安移梅礪詩話云哀扇工詩不傳今從清波別志檢得無名子哀扇工歌一首當卽是沈詩佚其姓名耳陳直齋云哀扇工詩罵而非諷今讀之良然仍以還沈其歌云黃州竹

扇名字著織扇供官困追捕使君開府未浹旬砍戴綸
巾揮白羽新模巧製旋剪裁百中無一中程度犀革鐫
柄出蟲魚麝煤薰紙生烟霧蔽山老姥羞翰墨漢宮佳
人掩紈素衙內白取知何名帳下雄挈不知數供輸不
辨筮楚頻一朝赴水將誰訴使君崇重了不聞嗚呼何
以慰黎庶聞道園家賣菜翁又說江南打魚戶號令丞
下須所無官不與錢期限遠歸來痛哭辭妻兒宿昔投
繯挂枯樹一雙婉婉良家子吏兵奪取名爲顧弟兄號
叫里鄰驚兩家吞聲表其嫗死者已矣可奈何冤竟成
羣空號呼殺人縱欲勢位尊貪殘無道天所怒邦人蓄

憤不敢言君其拊馬章臺路

關注

注字子東景仁子澥弟紹興五年進士教授湖州至太常博士自號香巖居士有關博士集

春渚紀聞 鐘聲互起東西寺燈火遙分遠近村此余友關子東西湖夜歸所作非身到西湖不知此語形容之妙關氏詩律精深妍妙世守家法子東二兄子容子開皆稱作者

墨莊漫錄 宣和二年睦寇方臘起幫源浙西震恐關注子東在錢塘避地攜家於無錫之梁溪明年臘就擒

子東貧不能歸僑寓毘陵郡崇安寺古柏院中一日忽
夢臨水有軒主人延客年可五十儀觀甚偉元衣而美
鬚髯揖坐使兩女子以銅盃酌酒謂子東曰自來歌曲
新聲先奏天曹然後散落人間他日東南休兵有樂府
曰太平樂汝先聽其聲使兩女子舞主人批掌爲節已
而恍然而覺猶能記其五拍子東以詩紀之云元衣仙
子從雙鬢緩節長歌一斛顏滿引銅盃效鯨吸低回紅
袖作弓彎舞留月殿春風冷樂奏鈞天曉夢還行聽新
聲太平樂先傳五拍到人間

唐子西先生文錄

關子東一日寓辟雍朔風大作因

得句云夜長何日旦苦寒不成寐以問唐先生云詩律雖不到對亦是不穩先生云正要如此一似藥中要存性也

馬和之

和之錢塘人紹興中登第官至工部侍郎

清河書畫舫 畫詩意一片其詩曰就船買得魚偏美踏雪沽來酒更佳無款吾以爲馬和之

林靖之

靖之字其甫吳興人

浩然齋雅談

林靖之其甫吳興前輩能詩不凡賦梅

云與月談交連影瘦於春無競着花疎細雨歛塵棲萼
潤輕雲度谷壓香低

林 曾

曾字伯元號梅嶼永嘉人

浩然齋雅談 林曾字伯元號梅嶼永嘉人詩極佳如
汴河云一千八百隋家路南岸青青入帝都可惜翠華
南渡後舊時楊柳一枝無

王 暨

暨四明人

浩然齋雅談 廣德寺壁間有四明王暨文昌題云奔

馳塵土何時了自歎一官如蟻小半夜覓宿僧家園夢裏聞鴉霜月曉暨時爲邑尉後尉天台張汝鐸俞仲次韻云世事反觀俱了了鸚鵡何大亦何小木人起舞中郎招問着木人應不曉二詩皆可錄

趙與佺

與佺字英可天台人

浩然齋雅談 天台趙與佺英可嘗夢賦落梅詩僅記一聯云溪月涵虛影山雲護斷香莫知何祥後爲豐儲倉監獲回剡後吳益尹京辟之爲屬遂與合尖脫選蓋吳尹自號雲山於護香之句遂驗

陳克

克字子高臨海人紹興中爲勅令所刪定官自
號赤城居士僑居金陵有天台集

三朝北盟會編 紹興七年命呂祉節制淮西軍馬辟

陳克子高爲參謀子高欣然應其辟葉夢得曰呂安老
非馭將之才子高詩人非國士也勸止之不從夢得贈
以詩曰解談孫破虜那厭庾征西克留其家以單騎從
軍後酈瓊之變終於不免

按子高有贈別詩云淚眼生憎好天氣離腸偏觸病
心情許彥周詞韓偓溫庭筠未嘗措意及此李庚亦
嘗曰刪定余鄉人也
詩多情致詞尤工

三台詩話

陳子高克臨海人嘗爲勅令所刪定官僑

居金陵從呂安老淮西軍中死酈瓊之難有天台集及
外集皆失傳余得其遺稿一帙盡題畫之作穠麗婉轉
妙有寄託七絕尤酷似義山題唐畫牡丹云重樓傑閣
上烟霞戟帶飄飄護翠華侍女番休春醉著不知野鹿
犯宮花董端明漁父圖云繪縵絲絲雪色魚碧筒香細
到村沽江天此樂誰無分不問官家乞鑑湖過石佛看
宋大夫畫山水云霜落石林江氣清隔江猶見暮山橫
箇中只欠崔夫子滿帽秋風信馬行昔人云皆宋詩中
出色者漁隱叢話陳子高九日瑞香盛開作云宣和

殿裏春風早紅錦重籠二月時流落人間真善事九秋
霜落却相宜俚俗因此號瑞香爲錦重籠子高此題別
有古詩一篇諷刺微婉乃真得騷人之旨 西溪叢話
子高馬聲妨客夢花片攪春心句甚雅杜審言詩啼鳥
驚殘夢飛花攪獨愁下句爲工也子美詩樹攪離思花
冥冥其亦有所自矣樂天楞伽寺句照水姿容雖已老
上山筋力未全衰子高易爲照水姿容非復我登樓腰
脚不如人寫病起情狀宛然子高嘗與關聖淵陳明信
集太平寺明信誦王介甫三品石句以爲善論古今後
人不復能置詞聖淵謂但是融化石筍行舊句且陳亡

江總輩北面事讎豈如此石之耐久耶故子高詩云臨
春結綺今何在屹屹亭亭終不改可憐江令負君恩白
頭仍作北朝臣乃反介甫意也他日忠節已見於此
赤城詞一卷陳子高作見文獻通考陳質夫謂詞格高
麗晏周之流亞也廬祖皋云子高菩薩蠻幾處簾錢聲
錄窗春夢輕謁金門檀炷遶窗燈背壁畫檐殘雨滴殊
覺其香清余尤愛憶王孫水冷冷梅片飛時春草青之
句不煩着色自然高妙

滕 岑

岑字元秀廷德人紹興乙卯領鄉薦紹熙元年

庚戌特奏名仕爲温州平陽縣丞有無所可用
集

宋詩紀事 滕岑字元秀嚴州建德人方萬里序回至
郡讀釣臺集見有曰月色搖江如永走又有所謂七里
風烟萬里寬者心異之細視則郡人龍嶺老樵滕公作
也

嚴州府志 滕元秀紹興名士平生苦吟其佳處自謂
高視大歷十子所作詩凡三千首趙汝愚知郡日借其
集竟掩不還故傳者甚少其秋晚云林葉疎逾響山雲
薄易銷送僧云斷橋側水露半影野渡攲泥留亂痕皆

警句也

陸 淞

淞字子逸號雲溪山陰人官辰州守放翁雁行也

海鹽縣圖經 李直養字無害維揚人正民之孫紹熙中爲海鹽令興學校修大成殿置書籍祭器兼設小學擇師教之陸淞有鄉校五章章五句維鄉有校示民有知教始豫遜迪於訓彛維風化是稗維校在鄉示民有防入孝出弟爲忠爲良斯邦家之光鄉校有基如德弗虧劉侯遷之魏侯新之李侯能成之其遷者初其新者

中肄業傳道有師有宗翳李侯之功樂只君子孰後孰先顯有嘉聞於斯萬年維大夫之賢

鄭汝諧

汝諧字舜舉青田人紹興中進士官吏部侍郎徽獻閣待制致仕有東谷集

齊東野語 南北通和時聘使往來旁午於道凡過盱眙例遊第一山酌玻璃泉題詩西壁以紀歲月遂成故事鐫刻題石幾滿紹興癸丑國信使鄭汝諧一詩云忍恥包羞事北庭奚奴得意愛逢迎燕山有石無人勒却向都梁記姓名可謂知言矣

潘 檉

檉字德久永嘉人

詩衡 葉水心言德久年十五六詩律已就永嘉言詩者皆本德久讀書評文得古人深處余最愛其往事生來多歲月舊遊疎似曉星辰之句

舒 亶

亶字信道慈谿人治平二年進士官至龍圖閣待制

風雅閒談 信道卽居詩云水繞陂田竹繞籬榆錢落盡槿花稀夕陽牛背無人卧帶得寒鴉兩兩歸鴉立牛

背老僧常談包羞帶得兩兩數字便覺景物一新

李庚

庚字子長臨海人紹興十二年進士歷官監察御史知袁州有集名詒癡符

宋詩紀事 李庚集號詒癡符樓大防序云海邦貨魚於市者夸詡其美謂之詒魚字書以爲詒銜賣也顏黃門之推家訓曰吾見世人至無才思自謂清華流布醜拙亦已衆矣江南號爲詒癡符公之意蓋出於此特謙詞耳

三台詩話

詒癡符二十卷臨海李庚子長撰其集已

失傳僅見題畫扇一作云睡起小樓春又殘半垂雲袖
傍闌干楊花飛過秋千索一陣東風作曉寒曾茶山所
謂句律清於庾義城者約畧可見子長又嘗集衆代名
人詩二卷

徐庭筠

庭筠字季節臨海人南宋應試不第以布衣終
與兄庭槐庭蘭皆抱道自重而季節名特重

沐雲詩話 徐庭筠詠竹詩未出土時先有節便凌雲
去也無心其立志較然於此可見父中行曾舉八行不
就學者稱二徐先生朱文公詩云道學傳千古東甌說

二徐至明金一所公序台學源流以二徐爲首

按南渡文人皆以高宗爲中興惟季節行文不爾人尤之季節曰吾不妄言敢欺君乎朱子以常平行部至台題其墓云道學傳千古東甌說二徐門清一壺水家富五車書但喜青氈在何憂白屋居我來君已逝揮淚表卹墟

王齊輿

齊輿字之益寧海人登進士歷知於潛崇明州遷告院刪定終直煥章閣致仕有雲壑集

寧海縣志

王齊輿致仕後營雲壑園與親故爲真率

會平生博學強記手不釋卷與名公鉅卿酬唱語多奇

崛社中目爲詩虎

吳中孚

中孚字惟信湖州人

池北偶談 吳惟信中孚湖州人寓吳嘉定之白鶴村
吳有廩先生者於九經注疏悉能成誦嘗見中孚賦絕
句云白髮傷春又一年間將心事卜金錢梨花落盡東
風軟商畧平生到杜鵑亟下拜曰天才也老夫每欲效
顰則漢高祖唐太宗追逐筆下矣觀此可悟作詩三昧
韓退之詩似論蘇子瞻詞似詩昔人謂如教坊雷大使
舞終非本色正此意也

朱謙之

謙之書昌人

談數 嚴州壽昌縣道旁有朱買臣廟貌其地有朱池
朱村居人多朱姓謙之詩云貧賤難堪俗眼低區區何
事便雲泥會稽乞得無他念祇爲歸來詫故妻束薪行
道自歌呼越女安知有大夫一見邱章驚欲倒相看方
悔太模糊

高元之

元之字端叔武烈王瓊之七世孫南渡家明州
五上禮部不第人號萬竹先生有茶甘甲乙集
娛書堂詩話 四明高端叔博學能詩鄉里所推重嘗

有詩一聯云灑窗蠶食葉人竹蠶行沙竟坎壤不仕樓
攻媿挽之云弟子皆藍綬先生竟白袍

康與之

與之字伯可嘉興人

風雅閒談 伯可題宣和御畫云玉輦宸遊事已空尚
餘奎藻繪春風年年花鳥無窮恨盡在蒼梧夕照中讀
之令人淒然欲絕

王遠

遠餘姚人朝奉郎中行之父官國子司業

契齋集朝奉郎王君墓誌銘 君諱中行考諱遠國子

司業其先大名府人三槐丞相之近族也五世祖修撰徙居宛邱祖諱俱官尚書後寓餘姚至今家焉君資稟既高而力學不怠又周旋於名父賢婦翁之間涵養薰陶培本浚源日厚月深其之官慈溪也司業作詩送之有曰惟畏實過寡惟勤無功虧既至官卽廳事爲堂請名於婦翁翁因以勤畏名之君於是刻詩堂上朝夕觀省且終其身遵而行之

湯思退

思退字進之青田人紹興十五年中宏詞科歷相兩朝官至特進觀文殿大學士左僕射封岐

國公隆興初謫居永州卒

二老堂詩話 湯岐公顯仁皇后挽詩曰虞妃從梧野
啟母耐稽山顯仁初以賢妃從徽宗北狩其從耐葬徽
宗永祐陵虞妃爲徽宗也啟母爲高宗也用事可爲的
切

湖海新聞 宋高宗一日坐寢殿湯丞相思退侍立上
曰卿家處州有何異迹思退曰臣鄉有石僧題咏云雲
作袈裟石作身巖前猶立幾經春有人若問西來意默
默無言總是真遂大稱旨本無此詩徽夜遣人歸刻石
僧之旁石

按石僧詩一作紹興間劉大中以兵部尚書出守
未幾召還上問石僧之狀若何大中以詩對云云

莫 伋

伋字子及吳興人濟弟紹興十八年進士爲學
官以言獲罪南遷石龍

齊東野語 石龍地金海子及素負邁往之氣暇日具
大舟招一時賓友之豪泛海以自快將至北洋海之尤
大處也舟人畏不敢進子及大怒督之以劍不得已從
之及至四顧無際浪湧舟掀簸如桔槔見三魚皆長十
餘丈浮弄日光衆皆戰慄不能出語子及命大白連酌
賦數絕興盡乃返其一詩云一飄點破碧落界八面展

盡虛無天柁樓長嘯海波濶今夕何夕吾其仙

按倂乃伯銘字器之之子伯銘年五十卽歸休以迎師教子爲事子三人曰濟曰倂曰冲皆有峻聲擢進士第時稱三莫後濟冲又中博學宏詞科

汪大猷

大猷字仲嘉鄞縣人紹興十五年進士乙科累

官敷文閣學士

平園續彙

汪公大猷神道碑

公諱大猷字仲嘉慶元府鄞縣

人十餘歲賦詩可觀紹興十五年登進士乙科紹熙元年官敷文閣直學士二年以正奉大夫致仕杖屨往來廬山和陶令歸去來詞觴客則歌之平居慕白樂天爲

人以適名齋宜靜名室時作歌詩平澹造理從容二十
有五年庶幾樂天之出處壽則過之晚尤篤學抄書如
少年有適齋存稿二十卷備忘十七編唐宋名公詩韻
四十編并漫錄訓鑒等書藏於家

葉廷珪

廷珪字嗣忠號翠巖嘉興人紹興十八年由兵
部郎中出爲泉州太守著有海錄碎事傳安道
作序

樸李詩繫 翠巖無一日不作詩老而益工如題琴泉
軒云不是妙音生妙指只緣流水似流泉無名木云人

休清樾摩挲認鳥泊高枝睥睨看至其和錢起江行一百詩士大夫多傳錄之又作郡舍羅漢室詩云幾多鴈驚行閒吏衙退頻來禮釋伽可以見大府之風度矣

芮國器

本名奕字仲蒙一字國器烏程人紹興十八年進士歷官御史司業祭酒

平園續藁 夫子曰有德必有言謂其和順積中英華發外也於今吳興芮公見之公諱奕字仲蒙一字國器孝弟忠信博習修潔登第後每有慷慨憂時之志鄉里前輩如劉一止沈介諸賢者敬愛之紹興末高宗將內

禪殿中侍御史蜀名士張震以名聞高宗曰是能古文者卽日擢監察御史己而出入中外爲孝宗深知許以侍從兩朝眷遇蓋如此不幸自司成移疾而終年纔五十八予在從班與六曹長貳給舍相與悼歎共爲奏云伏見故國子祭酒芮奕德配前修文高當世恂恂自守未嘗與物競及當官而行則秉誼持正有不可奪之志故相秦檜時鄉人沈長卿作牡丹詩有許以爲謗訕者引奕爲證廷尉捕治奕力辨其非長卿不任笞掠親書誣伏獄吏以示奕奕曰長卿誣伏則可奕豈敢誣證吏別擢奕尉仁和時所作詩有今作塵埃奔走人之句坐

以怨望及應言上不言上遠竄武岡略不自明公道寵
開收寘臺省己而出使廣東節操彌勵凡舊供億積至
數千緡潛輸公帑歸過曲江班犒郡縣吏之乏月給老
和不違衆清不近名大率類此陛下自司業升之祭酒
知其經明行修論宰臣云侍從闕卽用之會奕請祠優
進右文殿修撰兩學生員祖道千計觀者太息按奕初
除司業在乾道五年八月家居一昔可至是時官己員
郎供職滿歲則六年冬祀當任子奕遽巡踰時乃起遇
郊不及者兩旬又按祭酒從四品序位太常宗正秘書
少卿之上奕疾未革少留累日必還不然休致遺奏亦

官一子而奕前綏其來後果於去爲子孫計者果如是乎願錄衆善還其恩數使天下知聖朝尊賢厲俗不問存歿書之史冊是勸廉遜非創典也衆皆稱善惟公同年生給事中者難之衆自欲上奏或曰銀臺異論如格諭何衆惘然而止其後上念公不已用其弟輝爲八座公之諸子有入官者此非天乎今公子邵武太守立言上高宰及等哀公易傳一卷詩四卷奏議二卷表啟書劄論策記序雜著長短句共七卷文正大而辭達詩醇粹而味永皆有德之言也

吳興備志

芮國器官左從郎仁和縣尉嘗和沈長卿

牡丹詩云寧知漢社稷變作莽乾坤秦檜惡之坐竄化
州檜死始召還

按國器有弟國瑞名輝同登
紹興十八年進士仕至尚書

扈從西巡日錄 去臺懷二十餘里有古樹高二丈許
枝幹盤虬相傳爲娑羅樹也廣韻作杪欂盛宏之荊州
記巴陵縣南有寺僧房床下忽生一木隨伐隨長道人
移房避之木長便進但極婉秀有外國沙門見之名爲
娑羅也彼僧所憩之蔭常著花細如白雪段成式西陽
雜俎天寶初安西道進娑羅枝唐李邕楚州淮陰縣娑
羅樹碑婆娑十畝蔚映千人云云洪邁容齋隨筆宣和

中何子謔過淮陰見此樹今有二本方廣丈餘盡非故
物矣吳興芮國器有從沈文伯乞娑羅樹碑詩云楚州
淮陰娑羅樹霜露榮瘁今何如能令草木死不朽當時
爲有北海書荒碑雨侵澀苔蘚尚想墨本傳東吳正賦
此也

康執權

執權字伯可官待制奉祠寓居永嘉

庚溪詩話 永嘉籍妓中有山姓者頗慧麗康時命之
侑酒一日妓之父以事繫縣當坐罪妓涕泣歷求救於
士大夫康獨憫之戲爲一絕云昔日緹縈亦如許盡道

生男不如女河陽滿縣皆春風忍使梨花偏帶雨明日
妓詣縣投狀乞代父罪且連此詩於狀前邑宰笑而釋
之

浩然齋雅談 康輿之伯可詩云越王山下千樹梅逐
數年年走馬來寒至滿枝風氣裏不受暖霑輕烟催故
人千里復萬里折香頭寄生徘徊孤吟獨醉常夜半山
月夜風騎馬回余家有與之手書古詩一卷自號八本
辭語亦騷雅往往反爲樂府所掩也劉克莊潛老嘗賦
梅花百詠其間有云春風謬掌花權柄却忘孤高不主
張當國者以爲譏已遂以煩言去國其後又作訪梅詩

云夢得因桃數在遷長源爲柳忤當權幸然不識桃并
柳卻被梅花累十年原註鄴侯咏柳云青青東門柳歲
晏必憔悴楊國忠以爲譏己明皇曰咏李者當爲譏朕
乎又嘗通朝行啟云實則詠桃乃曰含譏於燕麥偶然
題檜遂云寄意於蟄龍

沈長卿

長卿字文伯湖州人爲常州倅忤秦檜貶化州
至元嘉禾志 州錢市在崇德縣西北二十七里宋南
渡初士大夫來寓者殆二十家贈申國趙公不求父子
寓踰一紀慶公善應字彥遠詩翰尤妙蘇計屬師德仁

仲呂顯謨正己仲發迭主詩盟卽祇園精舍爲簪盞之所詩人沈文伯有句云翠城環坐憶州錢

胡仔

仔字元任舜陟子仕爲晉陵令卜居吳興號茗溪漁隱著有叢話

漁隱叢話 賈耘老舊有水閣在茗溪上景物清曠東坡作守時屢過之題詩畫竹於壁間沈會宗又爲賦小詞其後水閣屢易主今已摧毀久矣遺址正與余水閣相近同在一岸景物悉如會宗之詞故余嘗有鄙句云三間小閣賈耘老一首佳詞沈會宗無限當時好風月

如今總屬續溪翁蓋謂此也

余卜居苕溪日以漁釣

自適因自稱苕溪漁隱臨流有屋數椽亦以此命名偕
了宗善墨戲落筆瀟灑爲余作苕溪漁隱圖覽景撫懷
時有鄙句皆題之左方旣久益多不能盡錄聊舉其一
二云溪邊短短長長柳波上來來去去舡鷗鳥近人揮
不畏一雙飛下鏡中天秋雲漠漠烟蒼蒼蘆花初白蓮
葉黃釣舡盡日來往處南邨北邨杭稻香捲起綸竿撇
櫂歸短篷斜掩宿漁磯日高春睡無人喚撩亂楊花入
夢飛 詩說萬承云子蒼和人詩云窮如老鼠穿牛角
拙似鮎魚上釣竿苕溪漁隱曰余蹭蹬銓選四十載拙

固有之貧亦宜然每以子蒼自况屢哦此一聯真余著
題也以陵陽集遍尋無之因足成一章云執戟老人雙
鬢斑陸沈三世不遷官窮如老鼠穿牛角拙似鮎魚上
釣竿豈有蒲桃博名郡空餘苜蓿上朝盤榮華氣象無
絲許正坐平生骨相寒 西清詩話云長沙徐仲雅宮
詞自內人曉起怯春寒輕揭珠簾看牡丹一把柳絲收
不住和烟搭上玉闌干其富貴瀟灑可愛余嘗作春寒
絕句云小院春寒閉寂寥杏花枝上雨瀟瀟午窗歸夢
無人喚銀葉龍涎香漸消聊效其體也

按內人曉起一詩又見鴈餘漫錄堅瓠集俱稱梁溪
楊仲宏載一日遊鳳凰山過宋大內歸步微吟至披

香閣拉拾玉牌一事上詞云云仲宏爲之憮然其
不指爲何人所作者以雅此詩贈炙藝林胡元任
至爲之做擬則爲人人曉文作可知故兩書俱下
復著姓氏疑當時流傳入勢中鐫之玉牌仲宏得之
遂觸故宮禾黍之思憮然之感生於拾詩之地非繫
於作詩之人近見武林翟氏湖山便覽編爲無名氏
作是亦未之深考矣

全浙詩話卷十三終

全浙詩話卷十四

會稽陶元藻篁村輯

男

廷珍

廷淑

編次

仁和朱文藻映濬

參訂

同邑宗聖垣芥颿

南宋

陳居仁

居仁字安行本興化軍人家於明州紹興二十一年進士慶元中累官華文閣直學士贈金紫光祿大夫

平園續藁

公諱居仁字安行父藁左朝奉大夫太府

少卿七世祖自光州避地徙泉之莆田縣縣升軍故爲

興化軍人太府再娶汪夫人而家明州公風猷粹穆資

性忠厚生平不以私喜怒加人退食淡然讀書宴坐置

家事不問居室以淡爲名所著制藁奏議二十卷詩文

班左擷芳各十卷卒葬鄞縣豐樂鄉潢溪西奧之原予

嘗愛唐中書舍人王仲舒爲告有古風守峽發蘇三州

晚帥江西有治理效韓文公旣誌其墓又爲神道碑其

詩曰志儒之本達士之經有直有諷以忠遠名翔於郎

省騫於禁密發帝之令簡古而蔚又曰久淹於外歷守

大藩所至極恩必悉利病化成有代思以悉勞虛位而
俟忽隨滔滔嗚呼孰知數百載之後斯言殆爲公設歟

甄龍友

龍友字雲卿永嘉人遷樂清紹興二十四年進
士官至國子監簿

談藪 甄龍友雲卿永嘉人滑稽辨捷爲近世之冠遊
天竺寺集詩贊大士書於壁云巧笑倩兮美目盼兮彼
美人兮西方之人兮孝廟臨幸一見賞之詔侍臣物色
其人或以甄姓名聞曰是温州狂生用之且敗風俗上
曰惟此一人朕自舉之甄時爲某邑宰趨召登殿上迎

問曰卿何故名龍友甄固然不知所對既退乃得之曰
君爲堯舜之君故臣得與夔龍爲友由是不稱旨猶得
忝倖後至國子監簿

湖山便覽 纜船石旁舊有僧院周顯德三年錢氏建
孫二石佛曰二尊殿宋宣和初燬以其地爲副將解舍
六年有妙行寺僧思淨就石鑄大佛半身飾以黃金重
構殿覆之移諸堯率寺舊額爲寺淨善畫佛畫家所稱
喻彌陀是也兒時過山下作念曰異日出家當鑄此石
爲佛垂老償此夙願或曰彌陀在天何用鑿此頑石淨
作偈曰咄哉頑石頭全憑巧匠修只今彌陀佛莫待下

生求南宋甄龍友亦嘗爲大佛偈云色如黃金面如滿
月盡大地人只是一櫪

柴望

望字仲山號秋堂江山人嘉熙間爲太學上舍
端宗朝因薦授迪功郎後辭歸宋亡後稱宋逋

臣

詩衡 秋堂詩頗有氣岸如世上但知王蠲義人間惟
有伯夷清見妻還指張儀舌痛國誰憐賈誼書尋句俱
從血性中流出非錚錚細響可比

王十朋

十朋字龜齡樂清人紹興二十七年進士第孝

宗朝累遷起居舍人侍御史改吏部侍郎歷四

郡守以龍圖閣學士致仕卒諡忠文有梅溪集

梅磳詩話 王公衮吉老 稽山陰人紹興甲戌登進

士第仕至左司郎中盜劫父母墓成獄盜不死吉老手

殺之詣州自言兄宣子請所居官以贖其罪時梅溪

王公十朋爲簽幕賦詩以答之詩云臣子大節孝與忠

父母仇讐天下同賢哉會王孝子感慨有古烈士風

松楸一夕盜破塚親獲鼠聞之公有司守法貸其命

孝子銜恨無終窮誰謂書大膽如許貌若此羸山甚武

手斬凶人提髑髏請死伸冤詣公府君不見齊襄內行
世所羞春秋賢之緣復仇又不見子胥鞭屍報父怨太
史爲之作佳傳君今枕戈志已伸更須移孝爲忠臣他
年當作傳介子誓斬樓蘭雪國恥

方輿勝覽 東屯有青苗陂杜詩云東屯稻田一百頃
北有澗水通青苗晴浴狎鷗分處處雨隨神女下朝朝
又云東屯復瀼西一種住西溪東屯之田可得百許頃
稻米爲蜀第一郡給諸官俸廩以高下爲差帥漕月得
九斗故王梅溪云少陵別業古東屯一飯遺忠叻畝存
我輩月叨官九斗須知粒粒是君恩

按東屯爲公孫述留屯
之所距白帝城五里

愛日堂叢鈔 王龜齡詹事記人說生前事其畧云余

少時有鄉僧每見必曰此卽嚴伯威後身也余訪諸叔
父寶印大師叔父曰嚴閣黎汝祖母賈之兄也博學工
詩文戒行修飭汝父母皆以無子爲憂政和壬辰正月
吾師卒汝祖夢吾師至集衆花結成一大毬遺汝祖曰
君家求此久矣吾是以來是月汝母有娠吾師眉濃黑
而垂目深而神藏兒時能誦千言喜作詩人以汝眉目
及趣好類之故云又種蔬詩云前身老閣黎蔬氣端未
除詳著梅溪集

詩話總龜 王龜齡悼亡詩燕衾焚香老病身細君相對坐如賓而今一榻維摩室惟與無言法喜親偕老相期未及期回頭人事已成非逢春尚擬風光轉過眼忽驚花片飛

台州府志 宋王十朋詹事厯寧中至石橋自云嘗夢遊一處見峯巒秀異林木陰邃有僧往來其間旁有石橋予立橋畔見一碑讀之僧曰公前身所書也叩其何人曰嚴首座也今至此覽其山水一如夢中所見因題詩云石橋未到已先知入眼端如入夢時僧喚我爲嚴首座前身曾寫此橋碑嚴首座字伯威亦永嘉人又詹

事嘗謂人曰嚴闔黎尤工筆札予不善書紹興庚午七月二十日因作文寫字兩俱不佳愧而曰嚴闔黎汝前生食蔬何多智今生食肉何許愚也

會稽縣志

吳孜嘗從胡安定學名聞於嘉祐治平間

會郡謀建學孜卽捨宅爲基今學中祀孜祠存焉初學成太守張伯玉至以便服坐堂上孜鳴鼓行學規伯玉欣然受其罰王十朋題其祠云右軍宅化空王寺秘監家爲羽士宮惟有先生舊池館春風歸在杏壇中

宋詩鈔

戴敏字敏才號東臯子復古之父有趙十朋

夫人挽章云縫掖先生遊汗漫夫人高節獨青青臨行

抖擻空書笥分付諸郎各一經此詩有五絕吟稟零落
十朋先生黃巖前輩行誼甚高嘗有詩云數枚豚犬粗
知書二頃良田樂有餘杜酒三盃棋一局客來渾不問
親疎梅溪先生尊敬之有杜酒三盃棋一局王十朋如
趙十朋之句

柳亭詩話 越城府署雄踞龍山元微之觀察是邦屢
誇勝於白傳者也向有月臺尤爲登眺之最王梅溪詩
明珠遙吐卧龍頭漸覺清光萬里浮人望使君如望月
更須如鏡莫如鉤婉而多風移易他處不得 王梅溪
集有次韻梁尉秦碑古風一篇序畧云秦頌功德碑李

斯篆世傳在秦望山莫知所在教授莫君好奇嗜古搜
訪尤力有言碑在何山者何山見圖經在秦望東南以
告會稽尉梁君梁慨然而行登山果見之碑石僅存字
磨滅已盡墨片紙而還作古風見示因次其韻詩畧云
望秦秦望兩嶄截何山壁立東南涯豐碑屹立最高處
不知磨滅從何時剔苔掃墨兩無有模糊片紙亦足奇
歸來走筆出險語呵政呵斯同小兒虛堂默坐對此紙
閉眼暗想君勿嗤陸放翁有登鵝鼻峰絕頂訪秦刻石
詩秦皇馬跡散莓苔如鐫非鐫鑿非鑿殘碑不禁野火
燎造物以報焚書屠鵝鼻正在秦望東南何尤當避地

於此或何避之訛也今去梅溪放翁又數百年無論碑不可識卽何山之名人亦多誤指矣 王梅溪自云前生乃嚴伯威爲族叔之師又有紀夢詩云石橋未到神先到日裏還同夢裏時僧叫我名劉道者前身曾寫石橋碑曰嚴曰劉蓋悟夙因兩世矣

三台詩話 玉環兼隸溫台世傳高宗南渡遺玉環於此因名王梅溪次韻寶印叔觀海云榴嶼何年改玉環望中猶是舊青山遺民不記當年事惟有潮聲日往還自注俗傳避錢王諱改則遺環之說妄矣卽太平志載曾海野詩借楊太真立論亦與南渡時事不符想因高

宗四明失玉孩兒扇墜事展轉附會耳 王梅溪授徒

一堂八齋前後凡一百二十人吾鄉鄭遜志時敏余如
晦明叟施良臣名卿與焉當時有鄭國七子涼州三朋
之目梅溪送黃巖三友詩祇應三益友故斷九迴腸再
人贈一絕句又集中有張施二生自黃巖半舟送別於
台作則從學者不止三人

按梅溪年四十七始大魁天下以書報其弟夢齡昌
齡曰今日唱名蒙恩賜進士及第惜二親不見痛不
可言及爲御史首劾丞相史浩乞專用張浚上爲出
遣帥紹興又上疏言舜去四凶未嘗使爲十二牧可
謂忠孝兩盡朱子嘗稱其經濟文章爲我宋第一流
人物洵非虛語其詩歌特其餘事耳然詩筆秀拔吐
屬俊爽正如天半朱霞使人矯首非靡靡之響可同日語也

何豐之

豐之何后裔

湖海新聞 何豐之才調極高貧窘則甚有句云人情
甚似吳江冷世路真如蜀道難誠齋楊少監奇之

謝處厚

處厚南渡時人爵里無考

錢塘遺事 孫何帥錢塘柳耆卿作望海潮詞贈之有
三秋桂子十里荷花之句此詞流播金主亮聞之欣然
起投鞭渡江之志謝處厚詩云誰把杭州曲子謳荷花
十里桂三秋那知卉木無情物牽動長江萬里愁予謂

此詞雖牽動長江之愁然湖山之清麗使士大夫流連於歌舞嬉遊之樂遂忘中原是則深可恨耳

厲德斯

德斯字直方餘姚人

談數 曹泳侍郎妻碩人厲氏餘姚大族女方泳盛時鄉里奔走恐後獨碩人之兄厲德斯不然泳怒帥越時德斯爲里正泳諷邑官脅治百端竟不屈會之甫殂乃遣介致書於泳改封乃樹倒猢猻散賦一篇及泳貶德斯以詩送之云斷尾雄鷄不畏犧憑依掇禍復奚疑八千里路新州瘴歸骨中原是幾時

潘矩

矩字方仲會稽人安吉尉

談藪 沈詹事特以坐葉丞相論恢復貶筠州沈方售
一妾年十七八攜以偕行處筠凡七年旣歸呼妾父母
以女歸之猶處子時人以比張忠定公詠會稽潘方仲
矩爲安吉尉獻詩云昔年單馬向筠州覓得歌姬共遠
遊去日正宜供夜直歸來渾未解春愁禪人尚有香囊
媿道士猶懷炭婦羞鐵石心腸延壽藥不風流處却風
流

劉應時

應時字良佐四明人著頤菴詩集

誠齋文集 夫詩何爲者也尚其詞而已矣曰善詩者

去詞然則尚其意而已矣曰善詩者去意然則去詞去
意則詩安在乎曰去詞去意而詩有在矣然則詩果焉
在曰嘗食夫飴與茶乎人孰不飴之嗜也初而甘卒而
酸至於茶也人病其苦也然苦未旣而不勝其甘詩亦
如是而已矣昔者暴公譖蘇公而蘇公刺之今求其無
刺之之詞亦不免刺之之意也乃曰二人從行誰爲此
禍使暴公聞之未嘗指我也然非我其誰哉外不敢怒
而其中媿死矣三百篇之後此味絕矣惟晚唐諸子差

近之寄邊衣曰寄到玉關應萬里戍人猶在玉關西弔
戰場曰可憐無定河邊骨猶是春閨夢裏人折楊柳曰
羌笛何須怨楊柳春光不度玉門關三百篇之遺味黯
然猶存也近世惟半山老人得之予不足以知之予敢
言之哉今四明劉叔向寄其父頤菴居士之詩稿命予
爲之序放翁陸務觀旣摘其佳句序之矣予尙何言哉
偶披讀至云寂寞黃昏愁弔影雲窗怕上短檠燈又獨
與梅花共過冬淡月故移疎影去又睡魔正與詩魔戰
窗外一聲婆餅焦又早行云鷄犬未鳴潮半落草蟲聲
在豆花村使晚唐諸子與半山老人見之當一笑曰君

處北海吾處南海不虞君之陟吾地也何故居士名應
時字良佐嘉泰元年六月戊戌誠齋野客楊萬里序

余端禮

端禮字處恭龍遊人累官少保左丞相觀文殿
大學士贈少師卹國公

誠齋文集 公諱端禮字處恭世占名數於衢之龍遊
穉而讀書一過成誦年十三文已驚人紹興二十六年
里選賦至公廣招賢之路云聖如文考太公歸而伯夷
歸明若昭王樂毅往而劇辛往有司異之首以前列遂
第進士

吳己正

己正溫州人

二老堂詩話 紹興二十七年御筵進士四百二十六人溫州王十朋爲之首其鄉人吳己正綴末特奏狀元之後則福州李三英例賜出身附名正奏之後己正有詩云舉頭不忍看王十回面猶欣見李三

喻良能

良能字叔奇義烏人紹興二十七年進士調廣德尉累遷工部郎官出知處州所著有香山集家帚編

金華徵獻略

良能父葆光時睦盜起青溪婦翁以白

金千三百兩屬藏之盜平婦翁死三子幼葆光盡歸之
其妻黃氏脫簪珥買書延師教其五子一日師與客至
值家乏食乃翦髮易魚爲饌師聞而奇之作詩曰但教
五子登雲去不管一家如雪寒後皆以文顯良能與兄
良倚同登進士良弼以特科補縣尉不伐偁演國衡皆
進士

劉知過

知過字與幾天台人紹興中特科監南嶽廟所

著有東吳天籟

天台縣志 知過與兄知變俱以文名尤工詩時號二劉

蔣繼周

繼周字世修青田人紹興進士歷御史中丞禮部尚書贈少師光祿大夫開國男謚文恭

處州府志 世修七歲賦牧童詩有回首一聲笛斜陽遮半山之句甫冠登紹興進士歷官二十餘年奏對論事剴切孝宗稱之曰卿文人似陸贄

戴敏

敏字敏才號東臯子黃巖人復古之父

戴石屏詩集

先人諱敏字敏才號東臯子平生酷好

吟身後遺藁不存徐直院淵子竹隱先生常誦其小園
一篇及日落梯歸啼處山一聯續加搜訪其得此十篇
復古孤幼無知使先人篇章零落名亦不顯不孝之罪
不可贖也謹錄於石屏詩藁之前庶幾使人獲見一斑
復古忍泣敬書 倪祖義云詩和則歡適雄則偉麗新
則清拔遠則閒暇東臯子詩云小園無事日徘徊頻報
家人送酒來歡適也惜樹不磨修月斧愛花須築避風
臺偉麗也引些渠水添池滿移箇柴門傍竹開清拔也
多謝有情雙白鷺暫時飛去又飛回閒暇也備是四體

一篇足矣況鶴鳴子和清唳方徹九皋耶 樓鑰云黃
巖戴君敏才獨能以詩自適號東臯子不肯作舉子業
終窮而不悔且死一子方襁褓中語親友曰吾之病革
矣而子甚幼詩遂無傳乎爲之太息語不及他與世界
好乃如此子旣長名曰復古字式之

三台詩話 魏慶之曰東臯子字敏才石屏之先君子
平生好詠存者惟小園一篇與人行躑躅紅邊路日落
秣歸啼處山一聯而已故壽峯謂其一篇足矣而清徹
九皋蓋謂石屏方與詩鳴云 嘉興府志宋張子修監
石門酒稅因家焉與邑人張汝昌益擅園林之勝內有

流盃亭遂初亭乳鴨池所云東西張氏園也戴敏遊張園詩乳鴨池塘水淺深熟梅天氣半晴陰東園載酒西園醉摘盡枇杷一樹金非但工雅正復切題然自劉後村千家詩已誤爲其子石屏作元時諸孫文瑣刻石屏集附東臬集一卷始改正第其名又爲耽而非敏當再考之

吳秉信

秉信字信叟明州人

居士傳 吳信叟名秉信明州人紹興中官於朝與秦檜忤斥爲庶人歸而築菴城南日夕宴坐製一楮夜卧

其中至五更令童子扣棺而歌曰吳信叟歸去來三界
無安不可住西方淨土有蓮胎歸去來聞唱卽起習禪
誦久之檜死以禮部侍郎召時停度僧之令信叟請賣
度牒以裕國用因論及檜黨卒爲檜黨所中論以佞佛
邀福出知常州二十六年復被召至蕭山驛舍坐頃之
令家人靜聽咸聞天樂之音卽曰清淨界中失念至此
金臺旣至吾當有行言訖而終

陸沉

沉字子元會稽山陰人

居士傳

陸子元名沉會稽山陰人試吏部再爲第一

監行在都進奏院監尚書六部門居官落落守正不媚
權勢歲滿遷太府寺丞尋外轉歷提舉福建市舶以母
憂歸中同寮鄭興裔之言得罪閒居家明州橫溪之上
客至語及鄭事必曰沅與鄭歷劫中冤耳謹當以善法
解之否則彼此酬酢無了時也居常持法華經晨起卽
澡浴焚香首唱偈曰盥手清晨貝葉開不求諸佛不禳
災世緣斷處從他斷劫火光中舞一回然後開卷而讀
不緩不急聲如貫珠日周一部如是三十年年登八十
增至三部宗教兩家靡不研究復誦彌陀佛號一意西
馳年八十五沐浴冠服而化口鼻間出蓮華香郁然彌

日方息事在紹熙五年

曹元寵

太尉勲父徙家台州

三台詩話 曹元寵以紅窗迴小詞名於世其子太尉松隱勲使金或贈以句云單于若問君家世道是紅窗迴的兒太尉徙家台今太平天台諸曹皆祖之人猶用此語相戲

樓 鑰

鑰字大防鄞人異孫隆興元年進士累官中書舍人給事中寧宗朝歷翰林學士同知樞密院

事進參知政事卒贈少師諡宣獻有攻媿集

揮麈三錄

明清晚識遂初尤延之先生一見傾蓋若

平生歡公任文昌一日忽問云天臨殿在於何時郎明清云自昔以來蓋未有之紹聖初米元章爲介畿邑之雍邱遊治下古寺寺僧指方丈云頃章聖幸臺社千乘萬騎經從嘗偈宿於中元章卽命彩飾建鵠嚴其羽衛自書榜之曰天臨殿呂升卿爲提點開封府縣鎮公事以謂下邑不白朝廷擅創殿立名將按治之蔡元長作內相營求獲免聞有自製贊恨未見之尤卽從袖間出文書乃元章所書贊也云才方得之公司謂博物洽聞

矣翊日入省形言稱道於稠人廣衆中焉樓大防作夕
郎出示其近得周文槩所畫重屏圖祐陵親題白樂天
詩於上有衣帽中央而指以相問云此何人耶明清云
頃歲大父牧九江於廬山圓通寺撫江南李中主像藏
於家今此繪容卽其人文槩丹青之妙在當日列神品
蓋畫一時之景也亟走介往會稽取舊收李像以呈其
面貌冠服無毫髮之少異因爲跋其後樓深以賞激繼
而明清巧外得請詩以送行後一篇云遂初陳迹遽淒
涼擊節青箱極薦揚談笑於儂情易厚典刑使我意差
強重屏唐畫論中主古殿遺文話阿章舊事從今向誰

問尺書時許到淮鄉

袁燮絜齋集少師樓公行狀

公屬辭叙事以意爲主

不事雕鏤自然工緻舊有詩聲晚造平淡而中有山高水深之趣

平園續稟

顯學尚書樓大防奉九十六歲之親戲絲

未央古今鮮儷遠蒙五詩皆和鄙句謹次韻爲慶云護
堂眉壽正增川手種蟠桃莫計年得道身陪金母宴應
緣居近寶陀山煌煌八座歡承膝濟濟諸孫戲疊肩家
慶新圖爭快覩願將摹本寄郵傳

七修類藁

虎林卽今祖山寺宋東太乙宮之山也不

知者改虎爲武宋樓攻媿詩云武林山出武林水靈隱
後山毋乃是此山亦復用此名細考其來正有以從來
有龍必有珠此雖培塿千山餘四朝聞見錄云虎林卽
靈隱山因避唐諱改名武林楊正質又謂錢氏有國時
此山在郭外異虎出焉故名吳音訛虎爲武耳據三說
惟楊爲是若以避唐諱則漢己名爲武林矣又晏元獻
輿地志云武林山錢塘泉所自出此可見武林自是靈
隱而虎林之地又豈有泉之可出耶

樵李詩繫 王明清字仲言汝陰人慶元間居甥館於
嘉禾官至朝郎有史才尤邃初者時之鴻儒也一日詢

明清以天臨殿與南唐中王畫像明清詳陳本末無一
不符遂初驚愕當時諸公欲告於上收置史館不果明
清又嘗剴切上封事趙師厚贈詩有信史誇青簡封
章望皂囊之句樓鑰送王仲言之秦倅二詩云萬卷詩
書老雪溪欣然二子和埴篴絕憐伯氏久已矣猶幸夫
君及見之來上鵠行人謂晚往舒驥足自嫌遲他時還
向雲門否布韞青鞵尚可期遂初陳述遽淒涼擊節青
箱極薦揚談笑於儂情最厚典刑使我意差強重屏唐
畫論中主古殿遺文話阿章舊事從今向誰問尺書時
許到淮鄉曾幾詩吾宗擇壻得義之令子傳家又絕奇

甥舅從來多酷似弟兄如此信難爲陸游詩云汝陰太
史萬籤藏酸棗先生六世芳豹尾屬車留不住却尋陳
迹海陵倉紫薇傑作傳千載物色分留待下車老病難
陪曳裾客同來時寄一行書

按大防送仲言之秦倅詩其重屏寫畫古殿遺文一
將皆用仲言本事一指尤遂初詢天臨殿一卽大防
自詢周文策重屏畫仲言自作揮塵錄詳晰記之
而屬李詩繫混而爲一俱屬之遂初其疎甚矣

南宋雜事詩註 攻媿集詩舊聞老具擅詩聲夜汎錢

塘向鳳城今日清遊更豪逸雪花和月帶潮生自注法
具字圓復紹興初時僧也有月夜游錢塘江詩云小舟
爲我載月色白沙翠竹光相射后復云白下金陵四有

年無此豪逸

湖山便覽 靈芝寺在清波門北宋太平興國元年建
本吳越錢王故苑芝生其間捨以爲寺遂號靈芝南宋
時例爲士大夫祖餞之所故樓攻媿集亦有送客靈芝
寺句明洪武間移寺額於城內東園嘉靖間以其基建
錢王祠 具美園夢梁錄云楊府園在水仙王廟西有
飲綠亭樓鑰詩具美杯殘意未休相將重上望湖樓蓋
自此園以至樓也武林舊事有楊駙馬挹秀園亦在水
仙王廟前姓地均同未審卽一園否

按宣獻有子曰漳字頌夫官至宗正丞其爲丞上虞
時宣獻送以詩云江海匝三垂長堤捍驚濤堞高幾

如山潮至不留殘宣和有遺迹能使潮侵灘陂湖謹
蓄洩可以救旱乾長溝濟漕運浚治令通寬此皆丞
所職勿憚心力殫父子之間其所期許者大
矣後質夫遷居東陽遂爲東陽樓氏始祖

全宋詩話卷十四終